

CNS5966

R GB 09-07 00155 BA018

aab

MAHATHIR: PENTING MALAYSIA JADI NEGARA MAJU UNTUK TERUS BEBAS

Mahathir - akademik

KUALA LUMPUR, 9 Julai (Bernama) -- Datuk Seri Dr Mahathir Mohamad berkata hari ini semakin penting bagi Malaysia menjadi negara maju dalam keadaan prinsip dunia yang sudah bertukar.

Perdana Menteri berkata negara-negara kuat kini menguasai dunia sehingga mereka sanggup mencampuri urusan negara-negara kecil.

+Negara yang kuat berhak campurtangan dalam hal ehwal negara yang kecil termasuk untuk menangkap rakyat negara kecil untuk dibicara dalam negara mereka.

+Kalau kita menjadi negara membangun yang lemah, yang selalu berhutang kepada orang maka kita tak akan dapat mempertahankan kemerdekaan kita,+ katanya kepada pemberita selepas berdialog dengan ahli-ahli akademik di Pusat Islam di sini.

Dr Mahathir berkata beliau menjelaskan perkara itu kepada kira-kira 600 ahli akademik dari pusat-pusat pengajian tinggi seluruh negara dalam pertemuan tertutup itu untuk menekankan pentingnya Malaysia menjadi negara maju. -- lagi

▼09/07/16-11MST

C N S 5 9 9 4

R GB 09-07 00121 BA020

aab

Mahathir - akademik 2 (akhir) Kuala Lumpur

Katanya semua tenaga dalam negara termasuk ahli akademik perlu digembleng untuk terus membangunkan negara supaya ia dapat mengekalkan kebebasan.

+Ahli akademik terlibat dengan pembentukan tenaga manusia yang mesti dibangunkan secara total bukan dari segi ilmu sahaja tetapi juga dari segi semangat, sifat dan sikap,+ kata Dr Mahathir.

Katanya, beliau berpuashati dengan peranan ahli akademik setakat ini untuk mencapai matlamat itu tetapi ia boleh dipertingkatkan.

Perdana Menteri telah mengemukakan agenda yang perlu dibuat oleh rakyat dan negara untuk mencapai matlamat menjadikan Malaysia sebuah negara maju menjelang tahun 2020 dalam kertaskerjanya pada perasmian mesyuarat Majlis Perdagangan Malaysia pada 28 Feb tahun lepas. -- Bernama

▼09/07/16-36MST